



**KVARTALNI  
EKONOMSKI TRENDovi  
FEDERACIJE BOSNE I  
HERCEGOVINE  
3Q 2025**

# **KVARTALNI EKONOMSKI TRENDovi**

**FEDERACIJE BOSNE I HERCEGOVINE**

**3Q 2025**

# SADRŽAJ

LISTA GRAFIKONA.....	4
LISTA TABELA .....	4
IZVRŠNI SAŽETAK .....	5
1. MEĐUNARODNO OKRUŽENJE.....	6
2. REALNI SEKTOR .....	9
2.1. Bruto domaći proizvod .....	9
2.2. Industrijska proizvodnja .....	10
2.3. Građevinarstvo .....	11
2.4. Trgovina .....	12
2.5. Ostale uslužne djelatnosti.....	13
2.6. Turizam .....	13
2.7. Zaposlenost.....	14
2.8. Plate .....	16
3. CIJENE .....	17
4. TRGOVINSKA RAZMJENA FBIH SA INOSTRANSTVOM .....	19
5. FISKALNA POLITIKA.....	21
Javni prihodi .....	21
5.1. Prihodi od indirektnih poreza .....	21
5.2. Prihodi od direktnih poreza .....	22
5.3. Udio javnih prihoda u BDP-u.....	23
5.4. Javni dug.....	23
5.5. Penzije i doprinosi .....	24
6. FINANSIJSKO TRŽIŠTE.....	26
6.1. Profitabilnost banaka .....	26
6.2. Efektivna kamatna stopa .....	26
6.3. Krediti .....	27
6.4. Koncentracija bankarskog tržišta .....	28

## LISTA GRAFIKONA

Grafikon 1: Kretanje BDP-a EU i ekonomija sa kojima FBiH ostvaruje najveći udio u izvozu, Q/Q-1.....	6
Grafikon 2: Eurozone Composite PMI indeks (Kompozitni indeks menadžera nabavke).....	7
Grafikon 3: Kretanje cijena u EU i odabranim zemljama (HICP – godišnja stopa promjene) – lijevo; Doprinos godišnjoj inflaciji Eurozone po grupacijama (u procentnim poenima) - desno.....	7
Grafikon 4: Kretanje cijena energenata na tržištu .....	8
Grafikon 5: Kretanje cijena industrijskih roba na tržištu.....	8
Grafikon 6: Kretanje EURIBOR kamatnih stopa.....	8
Grafikon 7: Stope realnog rasta, cijene 2015. godine .....	9
Grafikon 8: Industrija ukupno, januar 2020. - juni 2025.....	10
Grafikon 9: Indeksi proizvodnje u građevinarstvu, kvartalne vremenske serije, ukupno .....	11
Grafikon 10: Broj noćenja turista .....	14
Grafikon 11: Administrativni podaci broja zaposlenih, nezaposlenih i promjene u odnosu na isti kvartal prethodne godine .....	14
Grafikon 12: Stopa aktivnosti, stopa zaposlenosti i stopa nezaposlenosti (desna skala); anketni broj zaposlenih, nezaposlenih i neaktivnih osoba (u hiljadama – lijeva skala).....	15
Grafikon 13: Iznos neto, bruto i realne plate .....	16
Grafikon 14: Kretanje indeksa potrošačkih cijena (CPI)*.....	17
Grafikon 15: Kretanje cijena proizvođača industrijskih proizvoda.....	18
Grafikon 16: Obim vanjske trgovine Federacije BiH sa inostranstvom (mil. KM).....	19
Grafikon 17: Izvoz i uvoz FBiH po zemljama sa kojima se ostvaruje najveći obim vanjskotrgovinske razmjene .....	19
Grafikon 18: Prihodi od indirektnih poreza doznačeni FBiH, mil. KM .....	21
Grafikon 19: Prihodi od direktnih poreza, doprinosa i neporeznih prihoda u FBiH, mil. KM .....	22
Grafikon 20: Udio javnih prihoda u FBiH u BDP-u, % .....	23
Grafikon 21: Javni dug u FBiH (mil. KM), udio javnog duga u BDP-u, desna skala .....	24
Grafikon 22: Isplaćene penzije i doprinosi za PIO (hilj. KM), pokrivenost penzija doprinosima za PIO (%), desna skala .....	25
Grafikon 23: Neto dobit banaka u FBiH, hilj. KM.....	26
Grafikon 24: Prosječna ponderisana EKS na novoodobrene kredite u FBiH .....	26
Grafikon 25: Krediti stanovništvu i pravnim licima u FBiH, mlrd. KM .....	27
Grafikon 26: Koncentracija bankarskog tržišta .....	28
Grafikon 27: Herfindahlov indeks (kreditni) .....	29

## LISTA TABELA

Tabela 1. Kvartalni bruto domaći proizvod, stope realnog rasta .....	9
Tabela 2. Industrijska proizvodnja, kvartalne stope promjena, Q/Q-1 (sezonski prilagođene) .....	10
Tabela 3. Industrijska proizvodnja, kvartalne stope promjena, Q/Q-4 (kalendarski prilagođene) .....	11
Tabela 4. Proizvodnja u građevinarstvu, kvartalne stope promjena, Q/Q-1 (sezonski prilagođene) .....	12
Tabela 5. Proizvodnja u građevinarstvu, kvartalne stope promjena, Q/Q-4 (kalendarski prilagođene) .....	12
Tabela 6. Trgovina na malo, kvartalne stope promjena, Q/Q-1 (sezonski prilagođene).....	12
Tabela 7. Trgovina na malo, kvartalne stope promjena, Q/Q-4 (kalendarski prilagođene).....	13
Tabela 8. Ostale uslužne djelatnosti, kvartalne stope promjena .....	13

## IZVRŠNI SAŽETAK

U odnosu na prethodni kvartal, ekonomije zemalja EU27, u trećem kvartalu 2025. godine, bilježe stopu rasta BDP-a od 0,4%, što predstavlja nastavak skromnog rasta iz prethodnog perioda. Godišnja stopa rasta BDP-a u EU27 iznosila je 1,6% (u odnosu na isti kvartal prethodne godine). Porast aktivnosti, i u proizvodnom i u uslužnom sektoru, doprinio je stabilnosti Kompozitnog indeksa menadžera nabavke u Eurozoni (PMI), koji je na kraju trećeg kvartala iznosio 51,2.

U zemljama EU27 zabilježen je blagi rast cijena (2,6% u odnosu na isti kvartal prethodne godine), kao i u državama ključnim izvoznim partnerima FBiH, varirajući od 1,8% u Italiji do 4,6% u Hrvatskoj. Cijene energenata, tokom trećeg kvartala 2025. godine, bilježe značajniji pad, pri čemu je cijena barela nafte tipa Brent niža za 10,2%, cijena sirove nafte niža za 10,7%, dok je cijena prirodnog gasa niža za 20,0%, u odnosu na prethodni kvartal. Cijene glavnih industrijskih proizvoda na međunarodnom tržištu bilježile su različita kretanja, pri čemu je cijena bakra na kraju septembra niža za 4,5% u odnosu na prethodni kvartal, dok su cijene čelične armature i aluminija više za 1,5% i 3,1%, respektivno.

U trećem kvartalu 2025. godine, BDP Federacije BiH bilježi realni rast od 1,5% u odnosu na isti period prethodne godine. Nastavljen je pozitivan trend rasta u građevinarstvu i ostalim uslužnim djelatnostima. Turizam bilježi blagi pad noćenja na godišnjem nivou. Promet trgovaca na malo pokazuje kratkoročno usporavanje aktivnosti, uz istovremeno očuvanje pozitivnog trenda, u odnosu na isti period prethodne godine. Industrijska proizvodnja bilježi blage negativne tendencije koje upućuju na sporiji oporavak industrijskog sektora.

Prosječan broj zaposlenih u trećem kvartalu 2025. godine iznosio je 543.915 osoba, uz pad zaposlenosti za 0,5% u odnosu na prethodni kvartal, dok je u odnosu na isti kvartal prethodne godine zabilježen pad za 0,7%. Prosječne neto plate su porasle za 17,1% na godišnjem nivou, dok su realne plate (prilagođene inflaciji), zabilježile rast od 12,7% u odnosu na isti period prethodne godine.

Tokom trećeg kvartala 2025. godine, u FBiH je zabilježen blagi rast potrošačkih cijena. U odnosu na isti mjesec prethodne godine, u septembru 2025. godine, cijene su u prosjeku porasle za 3,8%. Cijene hrane i energije su porasle za 0,1% i 2,8%, respektivno, uz isti nivo cijena transporta. U trećem kvartalu 2025. godine, zabilježen je rast izvoza FBiH za 11,8% i rast uvoza za 6,0%, u odnosu na isti kvartal prethodne godine.

Ukupni javni prihodi u FBiH, u trećem kvartalu 2025. godine, zabilježili su rast za 0,8% u odnosu na prethodni kvartal i za 7,8% u odnosu na isti kvartal prethodne godine.


Prihodi od indirektnih poreza su viši za 13,3% u odnosu na prethodni kvartal i za 6,8% u odnosu na isti kvartal prethodne godine. Direktni porezi i doprinosi porasli su za 8,6% u odnosu na isti kvartal prethodne godine. Povećan je deficit u pokrivenosti penzija doprinosima, sa -9,1% u prethodnom kvartalu na -19,5%. Ukupan javni dug, na kraju drugog kvartala, iznosio je 6,68 milijardi KM (19,2% BDP-a).

Finansijsko tržište FBiH, u trećem kvartalu 2025. godine, ostalo je stabilno. Ukupni krediti porasli su na 20,7 mlrd KM. Prosječna efektivna kamatna stopa na novoodobrene kredite iznosila je 3,76%, uz blagi rast. Bankarski sektor zabilježio je pozitivan finansijski rezultat od 180,7 mil. KM.

## 1. MEĐUNARODNO OKRUŽENJE

Prema kvartalnim podacima EUROSTAT-a, nastavljen je slab ekonomski rast zemalja EU 27 zbog stalno prisutne geopolitičke i trgovinske neizvjesnosti. U trećem kvartalu 2025. godine, zabilježeno je povećanje BDP-a za 0,4% u odnosu na prethodni kvartal (grafikon 1), dok je u poređenju sa istim kvartalom prethodne godine zabilježena je godišnja stopa rasta EU 27 od 1,6%.

Grafikon 1: Kretanje BDP-a EU i ekonomija sa kojima FBiH ostvaruje najveći udio u izvozu, Q/Q-1




Izvor: EUROSTAT

Ekonomska aktivnost u zemljama u koje Federacija Bosne i Hercegovine najviše izvozi, u drugom kvartalu, bilježila je različita kretanja. Rast BDP-a, u trećem kvartalu 2025. godine, zabilježen je u Italiji (0,1%), Hrvatskoj (0,3%), Austriji (0,4%), Srbiji (0,6%) i Sloveniji (0,8%), dok u Njemačkoj nije zabilježena promjena BDP-a (0,0%), u odnosu na prethodni kvartal. U poređenju sa istim kvartalom prethodne godine, najveći rast BDP-a zabilježen je u Hrvatskoj (2,3%), Srbiji (2,0%) i Sloveniji (1,7%), dok pad nije zabilježen ni u jednoj od ovih zemalja.

Kompozitni indeks menadžera nabavke (Purchasing Managers Index – PMI) eurozone, tokom trećeg kvartala 2025., bilježio je rast, i na kraju kvartala iznosio je 51,2, što je već treći uzastopni kvartal u kojem je zabilježena ekspanzija. U odnosu na kraj prethodnog kvartala, viši je za 0,2 indeksna poena. Iako se procjenjuje da je rast u sektoru usluga usporen, i dalje je glavni pokretač rasta u odnosu na industrijski sektor.

Grafikon 2: Eurozone Composite PMI indeks (Kompozitni indeks menadžera nabavke)




Izvor: <https://www.investing.com/economic-calendar/s-p-global-composite-pmi-1491>

Inflacija u zemljama EU (HICP) tokom trećeg kvartala 2025. godine i dalje je blaga, pri čemu je na kraju kvartala zabilježena godišnja stopa rasta cijena od 2,6%, za 0,2 p.p. viša u odnosu na kraj istog kvartala prethodne godine. Usluge zadržavaju trend značajnog doprinosa ukupnom rastu cijena (1,49 p.p.), dok kategorije hrana i neenergetski industrijski proizvodi učestvuju sa 0,34 p.p. i 0,20 p.p., respektivno.

Od zemalja sa kojima FBiH ostvaruje najveći obim vanjskotrgovinske razmjene, u Njemačkoj, Hrvatskoj i Austriji, u septembru mjesecu 2025. godine, zabilježena je godišnja inflacija od 2,4%, 4,6% i 3,9%, respektivno, u poređenju sa istim periodom prethodne godine.


Grafikon 3: Kretanje cijena u EU i odabranim zemljama (HICP – godišnja stopa promjene) – lijevo; Doprinos godišnjoj inflaciji Eurozone po grupacijama (u procentnim poenima) - desno



Izvor: EUROSTAT

Tokom trećeg kvartala 2025. godine, nastavljeno je smanjenje cijena na međunarodnim tržištima nafte. Cijena barela nafte tipa Brent, na kraju trećeg kvartala, iznosila je 66,03 USD, te je za 1,1% niža u odnosu na kraj prethodnog kvartala (grafikon 4), dok je za 10,2% niža u odnosu na kraj istog kvartala prethodne godine.

Grafikon 4: Kretanje cijena energenata na tržištu




Izvor: <https://tradingeconomics.com>

Cijena sirove nafte na američkom tržištu, na kraju trećeg kvartala, iznosila je 62,37 USD/barel, i za 4,2% je niža u odnosu na prethodni kvartal, a za 10,7% niža u odnosu na kraj istog kvartala prethodne godine. Na evropskom tržištu prirodnog gasa (TTF), na kraju trećeg kvartala 2025. godine, trgovalo se po cijeni od 31,41 EUR/MW, koja je u odnosu na cijene na kraju prethodnog kvartala niža za 5,0%, a u poređenju sa istim periodom prethodne godine niža za 20,0%.

Snižanje cijena prirodnog gasa prvenstveno je posljedica slabije potražnje zemalja EU, obzirom na visok nivo popunjenosti skladišnih kapaciteta ovim energentom, koji u prosjeku na nivou EU iznosi oko 83%.

Grafikon 5: Kretanje cijena industrijskih roba na tržištu




Izvor: <https://tradingeconomics.com>

Cijene odabranih industrijskih roba na tržištu, tokom trećeg kvartala 2025. godine, zabilježile su različita kretanja. Cijena bakra na kraju septembra iznosila je 4,83 američkih dolara po funti (1 funta = 0,453592 kg), što je u odnosu na kraj prethodnog kvartala niže za 4,5%. Cijena čelične armature na kraju trećeg kvartala viša je za 1,5%, a cijena aluminija je porasla za 3,1%.

Upravno vijeće Evropske centralne banke tokom trećeg kvartala nije mijenjalo vrijednosti svojih ključnih kamatnih stopa, zbog čega su EURIBOR kamatne stope ostale relativno stabilne. Na kraju trećeg kvartala, 12-mjesečni EURIBOR iznosio je 2,193%, što je za 0,121 p.p. više u odnosu na kraj prethodnog kvartala, dok je 6-mjesečni EURIBOR iznosio 2,096%, što je za 0,047 p.p. više u odnosu na kraj prethodnog kvartala.

Grafikon 6: Kretanje EURIBOR kamatnih stopa




Izvor: <https://www.euribor-rates.eu/>

## 2. REALNI SEKTOR

### 2.1. Bruto domaći proizvod

U trećem kvartalu 2025. godine, nastavljen je blagi rast ekonomske aktivnosti u FBiH. To je već 19. kvartal zaredom pozitivne stope kretanja BDP-a.

Grafikon 7: Stope realnog rasta, cijene 2015. godine



Izvor: Federalni zavod za statistiku

U trećem kvartalu 2025. godine, nominalni bruto domaći proizvod iznosio je 10.113,3 mil. KM. Realni rast BDP-a u trećem kvartalu u 2025. godine, u odnosu na isti kvartal prethodne godine, iznosio je 1,5% (Tabela 1). Posmatrano po područjima KD BiH 2010, a vezano uz komponente koje su najviše utjecale na rast, izdvajaju se Finansijske djelatnosti i djelatnosti osiguranja (K) 6,2%, Administrativne i pomoćne uslužne djelatnosti (M i N zbirno) sa rastom od 3,5% i Građevinarstvo (F) 3,4%,.

Realni pad bruto dodane vrijednosti od 0,9% zabilježen je u djelatnostima Vađenje ruda i kamena, Prerađivačka industrija, Proizvodnja i snabdijevanje električnom energijom, Snabdijevanje vodom (B,C,D,E zbirno).

Tabela 1. Kvartalni bruto domaći proizvod, stope realnog rasta

	2022				2023				2024 <sup>1)</sup>				2025 <sup>1)</sup>			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Nedesezonirani podaci, Q/Q-4	6,5	5,5	3,0	1,9	1,1	0,7	2,3	4,0	4,6	4,1	3,2	2,1	1,5	2,3	1,5	
Desezonirani podaci, Q/Q-1	1,6	0,7	-0,4	0,1	0,5	0,6	1,3	1,4	1,0	0,2	0,7	0,3	0,4	0,8	0,1	
Finalni trend, Q/Q-1	0,9	0,4	-0,2	0,0	0,3	0,7	1,1	1,2	0,9	0,5	0,4	0,4	0,4	0,5	0,4	

1) Procjena


Izvor: Federalni zavod za statistiku

## 2.2. Industrijska proizvodnja

U drugom kvartalu 2025. godine, obim industrijske proizvodnje<sup>1</sup> u Federaciji BiH bilježi blage negativne tendencije, što upućuje na sporiji oporavak industrijskog sektora. Ukupni pokazatelji sugeriraju postepeno prilagođavanje industrije tržišnim uslovima, uz izraženu neizvjesnost u pogledu daljeg kretanja proizvodnje.

Ukupna desezonirana industrijska proizvodnja u FBiH, u septembru 2025. godine, u odnosu na august 2025. godine, veća je za 1,5%, što može ukazivati na blago povećanje proizvodne aktivnosti. Kalendarski prilagođena industrijska proizvodnja u FBiH, u septembru 2025. godine, manja je za 1,0% u odnosu na septembar 2024. godine (Grafikon 8).

Grafikon 8: Industrija ukupno, septembar 2020. - septembar 2025.



Izvor: Federalni zavod za statistiku

U trećem kvartalu 2025. godine, u odnosu na prethodni kvartal, ukupna sezonski prilagođena industrijska proizvodnja manja je za 3,2% (Tabela 2). Zabilježen je pad obima industrijske proizvodnje u područjima Prerađivačke industrije (-2,8%), Rudarstva (-3,1%), te Proizvodnje i snabdijevanja električnom energijom i plinom (-5,3%).

Tabela 2. Industrijska proizvodnja, kvartalne stope promjena, Q/Q-1 (sezonski prilagođene)

	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Industrija ukupno	0,9	1,8	-4,9	-0,1	-0,1	-1,2	0,9	-5,3	1,4	-2,5	1,7	-1,5	0,9	1,3	-3,2	
Vađenje ruda i kamena	3,0	4,3	-5,9	-7,2	-3,2	0,9	-0,2	-4,0	0,1	-7,9	9,9	-4,8	2,5	-4,8	-3,1	
Prerađivačka industrija	3,0	1,0	-4,2	1,8	-1,2	-3,3	2,6	-5,4	1,3	-3,5	0,3	-0,4	1,2	1,8	-2,8	
Proiz. i opskrba el. energijom i plin	-9,5	1,3	-8,5	-4,1	6,9	8,4	-8,0	-4,4	3,6	2,9	6,1	-5,6	0,0	-0,4	-5,3	

Izvor: Federalni zavod za statistiku

<sup>1</sup> Fizički obim industrijske proizvodnje izražava se indeksom, usklađen je s međunarodnim propisima i izračunava se pomoću Laspeyresove formule

U trećem kvartalu 2025. godine, ukupna kalendarski prilagođena industrijska proizvodnja manja je za 2,6% u odnosu na treći kvartal 2024. godine (Tabela 3). Zabilježeni pad obima industrijske proizvodnje rezultat je blagog pada obima proizvodnje u djelatnosti Prerađivačke industrije (-0,3%), dok je izražen pad zabilježen u Rudarstvu (-9,9%) i Proizvodnji i snabdijevanju električnom energijom i plinom (-11,3%).

Tabela 3. Industrijska proizvodnja, kvartalne stope promjena, Q/Q-4 (kalendarski prilagođene)


	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Industrija ukupno	4,1	4,3	-0,3	-2,9	-3,4	-6,2	-0,4	-5,9	-4,3	-5,5	-4,9	-1,0	-1,5	2,5	-2,6	
Vađenje ruda i kamena	-7,6	-5,9	-4,0	-6,7	-11,6	-14,8	-9,2	-6,3	-3,4	-12,1	-2,7	-3,9	-1,5	2,1	-9,9	
Prerađivačka industrija	11,4	6,0	1,5	1,2	-2,5	-6,7	-0,1	-7,4	-4,9	-5,0	-7,3	-2,4	-2,6	3,1	-0,3	
Proiz. i opskrba el. energijom i plin	-14,8	0,4	-8,6	-19,6	-5,3	1,7	2,2	1,7	-1,0	-6,3	8,1	7,3	3,1	-0,3	-11,3	

Izvor: Federalni zavod za statistiku

### 2.3. Građevinarstvo

U strukturi Indeksa za građevinarstvo ukupno<sup>2</sup>, u posmatranom kvartalu, objekti visokogradnje su učestvovali sa 38,3% u ukupnoj građevinskoj aktivnosti, dok su objekti niskogradnje učestvovali sa 61,7%. Indeksi proizvodnje u građevinarstvu nastavljaju stabilan rast. Povoljni pokazatelji za treći kvartal tekuće godine su nastavak trenda rasta indeksa u građevinarstvu prethodnih kvartala. Ovakva dinamika govori o otpornosti i dugoročnoj pozitivnoj putanji građevinskog sektora.

Grafikon 9: Indeksi proizvodnje u građevinarstvu, kvartalne vremenske serije, ukupno



Izvor: Federalni zavod za statistiku

Ukupna desezonirana proizvodnja u građevinarstvu, u trećem kvartalu 2025. godine, u poređenju sa prethodnim kvartalom, zabilježila je rast od 0,5%. Posmatrano prema vrsti građevinskih

<sup>2</sup> Indeks za građevinarstvo ukupno je kompozitni indeks koji se izvodi iz indeksa visokogradnje i niskogradnje i njihovog učešća (strukture) u ukupnoj građevinskoj aktivnosti u posmatranom kvartalu.

Indeksi proizvodnje u građevinarstvu usklađeni su sa EU propisima i preporukama o publikovanju indeksa proizvodnje u građevinarstvu. U skladu s tim, proizvodnja u građevinarstvu se prikazuje kvartalnom stopom promjene izračunatom iz desezoniranih indeksa i godišnjom stopom promjene izračunatom iz kalendarski prilagođenih indeksa. Izračunate serije indeksa proizvodnje u građevinarstvu uporedive su s onim koje objavljuje EUROSTAT

objekata, u istom periodu, na objektima visokogradnje zabilježen je rast od 0,5%, a na objektima niskogradnje rast od 0,5% (Tabela 4).

Tabela 4. Proizvodnja u građevinarstvu, kvartalne stope promjena, Q/Q-1 (sezonski prilagođene)

	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Ukupno	-0,4	0,7	0,4	0,1	1,1	0,1	0,7	0,4	0,5	1,0	0,7	1,0	0,6	0,4	0,5	
Visokogradnja	-0,1	0,2	0,2	0,3	0,1	0,0	0,2	0,0	0,7	0,8	0,5	0,9	0,4	0,5	0,5	
Niskogradnja	-0,7	1,1	0,6	0,0	1,6	0,3	1,1	0,6	0,3	1,2	0,7	1,0	0,6	0,4	0,5	

Izvor: Federalni zavod za statistiku

Ukupna kalendarski prilagođena proizvodnja u građevinarstvu, u trećem kvartalu 2025. godine, veća je za 2,1%, u poređenju sa istim kvartalom 2024. godine. Posmatrano prema vrsti građevinskih objekata, u istom periodu na objektima visokogradnje zabilježen je rast od 2,0%, a na objektima niskogradnje rast od 2,2% (Tabela 5).

Tabela 5. Proizvodnja u građevinarstvu, kvartalne stope promjena, Q/Q-4 (kalendarski prilagođene)

	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Ukupno	0,7	1,1	1,8	1,1	2,2	1,6	2,2	2,4	1,3	2,3	2,5	3,6	3,6	2,5	2,1	
Visokogradnja	0,3	0,2	0,2	0,9	1,3	0,8	0,4	0,1	0,4	1,8	2,1	3,4	2,5	1,9	2,0	
Niskogradnja	0,9	1,7	2,9	1,3	2,9	2,1	3,3	3,9	1,8	2,7	2,7	3,7	4,2	2,9	2,2	

Izvor: Federalni zavod za statistiku

## 2.4. Trgovina

Sezonski prilagođeni ukupan promet trgovaca na malo<sup>3</sup> – oblast 47 realno je pao za 0,8%, u trećem kvartalu 2025. godine, u odnosu na prethodni kvartal (Tabela 6).

Tabela 6. Trgovina na malo, kvartalne stope promjena, Q/Q-1 (sezonski prilagođene)

	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Promet trgovaca na malo, nominalno	9,0	3,8	1,4	2,6	1,7	2,0	3,6	1,4	2,1	1,1	0,5	0,7	-2,8	4,9	-0,8	
Promet trgovaca na malo, realno	4,1	-1,9	-0,3	1,2	1,8	1,5	2,9	1,8	1,7	0,6	1,2	0,2	-2,6	4,5	-1,0	

Izvor: Federalni zavod za statistiku

Kalendarski prilagođeni ukupan promet trgovaca na malo - oblast 47 realno je rastao za 0,8%, u trećem kvartalu 2025. godine, u odnosu isti kvartal 2024. godine (Tabela 7).

<sup>3</sup> Indeks prometa trgovine na malo obuhvata aktivnosti preprodaje robe krajnjim potrošačima za ličnu potrošnju ili upotrebu u domaćinstvima. Indeks prikazuje promjene nivoa ostvarenog prometa (nominalne i realne vrijednosti). Primjenjuje se i za procjenu rezultata maloprodajnog sektora, potrošnje stanovništva kao i pri izračunu nacionalnih računa. Nominalni indeksi prikazuju kretanje prometa u tekućim cijenama, a realni indeksi prikazuju kretanje prometa u stalnim cijenama. Realni indeksi dobiveni su deflacioniranjem nominalnih vrijednosti prometa prilagođenim indeksom potrošačkih cijena (CPI-Consumer price Index).

Tabela 7. Trgovina na malo, kvartalne stope promjena, Q/Q-4 (kalendarski prilagođene)

	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Promet trgovaca na malo, nominalno	20,9	21,3	14,5	17,5	10,0	8,1	9,9	9,1	9,4	8,8	5,0	4,6	-1,4	3,7	1,8	
Promet trgovaca na malo, realno	11,1	5,9	-0,7	3,2	0,7	4,8	7,1	8,5	7,8	7,8	5,5	4,3	-2,4	3,5	0,8	

Izvor: Federalni zavod za statistiku

Ukupan izvorni neprilagođeni promet od trgovine na malo, u septembru 2025., u odnosu na septembar 2024. godine, porastao je za 2,0%. Najveći uticaj na rast nominalnog neprilagođenog prometa, u septembru 2025., u odnosu na septembar 2024. godine, imale su: Motorna goriva i maziva u iznosu od 12,0% i uticajem od 3,0; Željezna roba, boje, staklo i ostali građevinski materijal 15,7% i uticajem od 1,1; Ostale nespécializirane prodavnice/prodavaonice 5,3% i uticajem od 0,5.

## 2.5. Ostale uslužne djelatnosti

U trećem kvartalu 2025. godine, ukupni sezonski prilagođeni promet ostalih uslužnih djelatnosti rastao je za 3,7%, u odnosu na prethodni kvartal (Tabela 8). Za isti period, sezonski prilagođeni promet u području I – Hotelijerstvo i ugostiteljstvo bilježi rast od 2,3%.

Kalendarski prilagođeni ukupan promet ostalih uslužnih djelatnosti, u drugom kvartalu 2025. godine, bilježi rast od 9,5% u odnosu na isti kvartal 2024. godine (Tabela 8). Najveći rast kalendarski prilagođenog prometa zabilježen je u području I – Hotelijerstvo i ugostiteljstvo od 16,7% u odnosu na isti kvartal prethodne godine.

U ukupnom prometu ostalih uslužnih djelatnosti, najveće učešće ostvareno je u području J – Informacije i komunikacije (42,5%) i području M - Stručne, naučne i tehničke djelatnosti (23,6%). Učešće svih ostalih djelatnosti je 33,9%.

Tabela 8. Ostale uslužne djelatnosti, kvartalne stope promjena


	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Desezonirani podaci, Q/Q-1	9,0	4,9	7,1	0,2	4,6	-0,3	4,1	-0,4	9,3	0,4	2,3	4,8	0,9	-0,1	3,7	
Nedesezonirani podaci, Q/Q-4	23,3	25,0	22,0	22,6	16,9	12,1	8,9	7,5	12,7	14,7	12,4	16,6	8,3	8,1	9,5	

Izvor: Federalni zavod za statistiku

## 2.6. Turizam

Ukupan broj noćenja turista, u trećem kvartalu 2025. godine, iznosio je 1.087.043, što je za 4,1% manje u odnosu na treći kvartal 2024. godine, a u odnosu na prethodni kvartal više za 35,9%. Učešće domaćih turista u noćenjima iznosilo je 19,6%, i stranih turista 80,4%.

Grafikon 10: Broj noćenja turista



Izvor: Federalni zavod za statistiku

## 2.7. Zaposlenost


Kvartalni podaci o tržištu rada u Federaciji Bosne i Hercegovine, u trećem kvartalu 2025. godine, ukazuju na blago pogoršanje administrativnih pokazatelja zaposlenosti, uz istovremeni rast broja nezaposlenih osoba. Istovremeno, anketni podaci bilježe jačanje aktivnosti radno sposobnog stanovništva. Povećano učešće radno sposobnog stanovništva na tržištu rada odrazilo se na rast stopa aktivnosti i zaposlenosti, uz istovremeno smanjenje stope nezaposlenosti. Kretanje plata ostalo je pozitivno, pri čemu su prosječne nominalne i realne plate nastavile rasti.

U periodu od 2022. do 2025. godine, prema administrativnim podacima, broj zaposlenih lica porastao je za 1,6%, dok je broj nezaposlenih smanjen za 10,8%. Navedena razlika u intenzitetu promjena ukazuje na to da smanjenje nezaposlenosti nije rezultat isključivo porasta zaposlenosti, već i drugih faktora koji utiču na kretanje broja nezaposlenih. Značajan dio osoba je tokom navedenog perioda izašao iz evidencije nezaposlenih bez da su zasnovali radni odnos.

Prema administrativnim podacima Federalnog zavoda za statistiku, prosječan broj zaposlenih u trećem kvartalu 2025. godine iznosio je 543.915 osoba. U poređenju s prethodnim kvartalom, zabilježen je pad broja zaposlenih za 2.608, odnosno 0,5%, dok je u odnosu na isti kvartal

prethodne godine evidentirano smanjenje zaposlenih osoba za 3.622, što predstavlja smanjenje od 0,7%.

Grafikon 11: Administrativni podaci broja zaposlenih, nezaposlenih i promjene u odnosu na isti kvartal prethodne godine



Izvor: Federalni zavod za statistiku


Istovremeno, prosječan broj nezaposlenih osoba, u trećem kvartalu 2025. godine, iznosio je 257.183. Ovaj broj je, u poređenju s prethodnim kvartalom, veći za 3.149, odnosno za 1,2%. U poređenju sa istim kvartalom prethodne godine, broj nezaposlenih je veći za 3.153 ili za 1,2%.

Prema anketnim podacima Federalnog zavoda za statistiku, stopa aktivnosti radno sposobnog stanovništva u Federaciji BiH, u trećem kvartalu 2025. godine, iznosila je 51,2%. U odnosu na prethodni kvartal, zabilježen je rast od 1,8 p.p., dok je u poređenju s istim kvartalom prethodne godine stopa aktivnosti veća za 2,1 p.p.

Stopa zaposlenosti u trećem kvartalu 2025. godine iznosila je 44,7%. U poređenju s prethodnim kvartalom veća je za 2,4 p.p., dok je u odnosu na isti kvartal prethodne godine evidentirano povećanje od 3,1 p.p.

Stopa nezaposlenosti iznosila je 12,8%, što predstavlja smanjenje u odnosu na prethodni kvartal za 2,8 p.p. U poređenju sa istim kvartalom prethodne godine, ova stopa je manja za 2,4 p.p.

Grafikon 12: Stopa aktivnosti, stopa zaposlenosti i stopa nezaposlenosti (desna skala); anketni broj zaposlenih, nezaposlenih i neaktivnih osoba (u hiljadama – lijeva skala)




Izvor: Federalni zavod za statistiku

## 2.8. Plate

Prosječna mjesečna neto plata, u septembru 2025. godine, iznosila je 1.603 KM, dok je prosječna bruto plata, u istom mjesecu, iznosila 2.502 KM. U odnosu na isti period prethodne godine, prosječna neto plata veća je za 234 KM, odnosno za 17,1%.

Grafikon 13: Iznos neto, bruto i realne plate



Izvor: Federalni zavod za statistiku


Realna plata<sup>4</sup>, u septembru 2025. godine, iznosila je 1.218 KM, što predstavlja povećanje od 128 KM, odnosno 12,7% u odnosu na isti mjesec prethodne godine. Na mjesečnom nivou, prosječne nominalne neto i bruto plate rastle su za 1,0%. Istovremeno, realna plata bilježi mjesečni rast po stopi od 0,8% (Grafikon 13).

### 3. CIJENE

Tokom trećeg kvartala 2025. godine, u FBiH zabilježen je blagi rast potrošačkih cijena. Posmatrano u odnosu na prethodni mjesec, u julu 2025. godine, cijene su u prosjeku porasle za 0,2%, u augustu 2025. godine, cijene su smanjene za 0,1%, dok je u septembru zabilježen rast cijena za 0,2%. Posmatrano po odjeljcima koji imaju najveću relativnu važnost, u septembru 2025. godine, zabilježeno je povećanje cijena hrane za 0,1%, energije za 2,8%, dok su cijene transporta ostale nepromjenjene.

U odnosu na isti mjesec prethodne godine, u septembru 2025. godine, cijene su u prosjeku porasle za 3,8%, cijene hrane su porasle za 6,0%, dok su cijene energije i transporta niže za 1,5% i 0,5%, respektivno.

Grafikon 14: Kretanje indeksa potrošačkih cijena (CPI)\*




Izvor: Federalni zavod za statistiku

\*Lijevo – promjene u odnosu na isti kvartal prethodne godine (posljednji mjesec u kvartalu, bazna godina 2015)  
Desno – promjene u odnosu na prethodni mjesec (bazna godina 2015)

Cijene proizvođača industrijskih proizvoda, u septembru 2025. godine, su u prosjeku zabilježile rast od 0,5% u odnosu na isti mjesec prethodne godine. Cijene energije porasle su za 8,5%, kapitalnih proizvoda za 3,3%, te netrajnih proizvoda za široku potrošnju za 3,8%, dok su cijene intermedijarnih proizvoda i trajnih proizvoda za široku potrošnju smanjene za 3,2% i 2,3%, respektivno.

<sup>4</sup> Neto plata prilagođena stopi inflacije, izračunata pomoću indeksa potrošačkih cijena (CPI bazna godina 2015.)

Grafikon 15: Kretanje cijena proizvođača industrijskih proizvoda




Izvor: Federalni zavod za statistiku

## 4. TRGOVINSKA RAZMJENA FBIH

Federacija BiH je, u trećem kvartalu 2025. godine, zabilježila rast izvoza i uvoza u odnosu na prethodni kvartal. Ukupan izvoz, u trećem kvartalu 2025. godine, iznosio je 2,90 mlrd. KM, što je manje za 20,2 mil. KM ili za 0,7 %, dok je ukupan uvoz iznosio 5,38 mlrd. KM, što je više za 50,5 mil. KM ili 0,9%. Time je vanjskotrgovinski deficit povećan za 70,8 mil. KM u odnosu na prethodni kvartal.


Grafikon 16: Obim vanjske trgovine Federacije BiH sa inostranstvom (mil. KM)



Izvor: Federalni zavod za statistiku

Posmatrano po zemljama sa kojima FBiH ostvaruje najveći udio robne razmjene, u trećem kvartalu 2025. godine, najviše je izvezeno u Hrvatsku (561,4 mil. KM), što je za 24,8 mil. KM ili 4,6% više u odnosu na prethodni kvartal, te u Njemačku (487,9 mil. KM), što je za 3,7 mil. KM ili 0,8% manje u odnosu na prethodni kvartal. Smanjenje izvoza, u drugom kvartalu 2025. godine, zabilježeno je još prema Srbiji (za 21,5 mil. KM ili 10,2%) u odnosu na prethodni kvartal.

Grafikon 17: Izvoz i uvoz FBiH po zemljama sa kojima se ostvaruje najveći obim vanjskotrgovinske razmjene



Izvor: Federalni zavod za statistiku

Najveći uvoz FBiH, u trećem kvartalu 2025. godine, ostvaren je iz Njemačke, u vrijednosti od 613,4 mil. KM, za 1,4 mil. KM ili 0,2% manje u odnosu na prethodni kvartal. Povećanje uvoza ostvareno je i iz Italije za 6,3% (ukupan uvoz 592,5 mil. KM), Kine za 2,7% (uvoz ukupno 574,6

mil. KM) i Turske (za 2,7%), dok je uvoz iz Hrvatske smanjen za 4,4% (ukupan uvoz 488,5 mil. KM).

U odnosu na treći kvartal prethodne godine, ukupan izvoz veći je za 305,7 mil. KM ili za 11,8%, dok je uvoz veći za 304,6 mil. KM ili 6,0%. Posmatrano po zemljama, u odnosu na isti kvartal prethodne godine smanjenje izvoza zabilježeno je jedino prema Srbiji za 53,0 mil. KM ili 21,8%. Prema ostalim najznačajnijim izvoznim partnerima zabilježen je porast izvoza, i to prema Njemačkoj za 30,9 mil. KM ili 6,8%, Austriji za 4,9 mil. KM ili 1,7%, Sloveniji za 33,8 mil. KM ili 17,1%, Hrvatskoj za 162,2 mil. KM ili 40,6% i Italiji za 18,1 mil. KM ili 10,3%.

Značajno povećanje uvoza je ostvareno iz Hrvatske za 31,9 mil. KM ili 7,0% i Kine za 46,8 mil. KM ili 8,9%, dok je najveće smanjenje uvoza u odnosu na drugi kvartal prethodne godine ostvareno iz Italije za 40,4 mil. KM ili 6,4% i Srbije za 27,7 mil. KM ili 6,5%.

## 5. FISKALNA POLITIKA

### Javni prihodi

Javnim приходima smatraju se porezni prihodi, doprinosi, neporezni prihodi i ostali prihodi<sup>5</sup>. Prikupljenim javnim приходima vrši se finansiranje javne potrošnje Federacije BiH, kantona, jedinica lokalne samouprave, vanbudžetskih fondova, nadležnih tijela za ceste i ostalih korisnika javnih prihoda u Federaciji BiH.

Ukupni javni prihodi, u trećem kvartalu 2025. godine, u FBiH iznose 3.651,3 mil. KM, što predstavlja rast za 27,8 mil. KM ili 0,8% u odnosu na prethodni kvartal, a rast za 265,3 mil. KM ili 7,8% u odnosu na isti kvartal prethodne godine.


#### 5.1. Prihodi od indirektnih poreza

Ukupno raspoređeni prihodi od indirektnih poreza FBiH, u trećem kvartalu 2025. godine, iznose 1.518 mil. KM, što je više za 178 mil. KM ili 13,3% u odnosu na prethodni kvartal, a više za 97,3 mil. KM ili 6,8% u odnosu na isti kvartal prethodne godine.

Od ukupnih prihoda za FBiH, raspoloživa sredstva iznose 1.274 mil. KM, što je više za 179 mil. KM ili 16,3% u odnosu na prethodni kvartal, a više za 157 mil. KM ili 14,1% u odnosu na isti kvartal prethodne godine.

Sredstva namijenjena za otplatu vanjskog duga, te sredstva po osnovu posebne cestarine za izgradnju autocesta i drugih cesta i iznose 174 mil. KM i 70 mil. KM, respektivno.

Grafikon 18: Prihodi od indirektnih poreza doznačeni FBiH, mil. KM



Izvor: Uprava za indirektno oporezivanje BiH

<sup>5</sup> Ostali prihodi utvrđeni zakonima i drugim propisima Bosne i Hercegovine, Federacije BiH, kantona i jedinica lokalne samouprave

## 5.2. Prihodi od direktnih poreza


Prema podacima Porezne uprave FBiH, u trećem kvartalu 2025. godine, naplaćeni su javni prihodi u ukupnom iznosu od 2.133,3 mil. KM, što je niže za 150,2 mil. KM ili 6,6% u odnosu na prethodni kvartal. U odnosu na isti kvartal prethodne godine, ukupni javni prihodi veći su za 168,3 mil. KM ili 8,6%. Najveće učešće u ukupnoj naplati ima Kanton Sarajevo (37,7%), a najmanje Posavski kanton (1,04%).

Od ukupno naplaćenih prihoda Porezne uprave FBiH, najveći udio imaju prihodi od doprinosa<sup>6</sup> (69,7%). Ukupni doprinosi u trećem kvartalu 2025. godine iznose 1.486,5 mil. KM, što predstavlja pad za 97,1 mil. KM ili 6,1% u odnosu na prethodni kvartal. U odnosu na isti kvartal prethodne godine, prihodi od doprinosa bilježe rast u iznosu od 112,5 mil. KM ili 8,2%.

Prihodi od direktnih poreza<sup>7</sup> iznose 413,5 mil. KM i niži su u odnosu na prethodni kvartal za 75,5 mil. KM ili 15,4%. Prihodi od taksi, naknada, kazni i članarina iznose 231,3 mil. KM i, u odnosu na prethodni kvartal, viši su za 21,2 mil. KM ili 10,1%.

U strukturi prihoda od doprinosa najveći udio imaju prihodi od doprinosa za PIO (54,6%), a iznose 811,3 mil. KM. U strukturi prihoda od direktnih poreza najveći udio imaju prihodi od poreza na dohodak (57%), a iznose 235,6 mil. KM.

Grafikon 19: Prihodi od direktnih poreza, doprinosa i neporeznih prihoda u FBiH, mil. KM



Izvor: Porezna uprava FBiH

<sup>6</sup> Doprinosi za PIO, doprinosi za zdravstveno osiguranje, doprinosi za slučaj nezaposlenosti.

<sup>7</sup> Porez na dohodak, na dobit, porez na promet nepokretnosti, porez na imovinu.


### 5.3. Udio javnih prihoda u BDP-u

Ukupni javni prihodi u FBiH, u trećem kvartalu 2025. godine, čine 36,1% BDP-a. U prethodnom kvartalu ovaj udio je iznosio 39,3%.

U ukupnom finansiranju javne potrošnje FBiH, prihodi od indirektnih poreza<sup>8</sup> učestvuju sa 15,0% BDP-a, dok prihodi od direktnih poreza učestvuju sa 4,1% BDP-a.

Doprinosi čine 14,7% BDP-a, a prihodi od taksi, naknada, kazni i članarina čine 2,3% BDP-a.

Grafikon 20: Udio javnih prihoda u FBiH u BDP-u, %



Izvor: Uprava za indirektno oporezivanje BiH, Porezna uprava FBiH, Federalni zavod za statistiku  
Obrada: FZZPR

### 5.4. Javni dug

Ukupan vanjski i unutrašnji dug u Federaciji BiH, sa stanjem na dan 30.09.2025. godine, iznosi 6.682,73 mil. KM<sup>9</sup>. Od ukupnog duga, 72,73% odnosi se na vanjski (4.860,38 mil. KM<sup>10</sup>), a 27,27% na unutrašnji dug (1.822,34 mil. KM).

Poredeći sa stanjem ukupnog duga na dan 30.06.2025. godine, bilježi se rast vanjskog duga za 186,44 mil. KM i rast unutrašnjeg duga za 80,80 mil. KM, što u konačnici rezultira rastom ukupnog duga za 267,25 mil. KM ili 4,2%.


<sup>8</sup> Ukupno raspoređeni prihodi FBiH.

<sup>9</sup> Prema Planu servisiranja duga za III. kvartal 2025. godine (FMF). Kvartalni izvještaj o dugu za 3. kvartal nije objavljen.

<sup>10</sup> U ukupnom vanjskom dugu obuhvaćen je i dug krajnjih korisnika kredita na koje je supsidijarno preneseno vanjsko zaduženje.

Udio ukupnog javnog duga u BDP-u, na dan 30.09.2025. godine, iznosi 19,2%, što predstavlja rast za 0,72 p.p. u odnosu na prethodni kvartal, a pad za 0,8 p.p. u odnosu na isti kvartal prethodne godine.

Grafikon 21: Javni dug u FBiH (mil. KM), udio javnog duga u BDP-u, desna skala



Izvor: Federalno ministarstvo finansija, Federalni zavod za statistiku  
Obrada: FZZPR

## 5.5. Penzije i doprinosi

Ukupni iznos isplaćenih penzija<sup>11</sup> bilježi rast u trećem kvartalu 2025. godine u odnosu na prethodni kvartal.


Poredeći iznos isplaćenih penzija i naplaćenih doprinosa za PIO/MIO, primjetan je kontinuiran nedostatak u pokrivenosti penzija doprinosima. Pokrivenost se u izvještajnom kvartalu značajno smanjila u odnosu na prethodni kvartal (za 10,4 p.p.), te iznosi 80,5%. Nedostatak sredstava, odnosno deficit, iznosi 196,6 mil. KM.

Pozitivan trend povećanja pokrivenosti, odnosno smanjenja deficita, prekinut je u prethodnom kvartalu. Od prvog kvartala 2024. godine do prvog kvartala 2025. godine, pokrivenost se kontinuirano povećavala sa 85,6% na 94,4%, odnosno deficit se smanjivao sa 112,9 mil. KM na 49,9 mil. KM.

Broj penzionera je povećan za 4.358 lica u odnosu na prethodni kvartal.

<sup>11</sup> Redovne i zaostale penzije.

Grafikon 22: Isplaćene penzije i doprinosi za PIO (hilj. KM), pokrivenost penzija doprinosima za PIO (%), desna skala



Izvor: Federalni zavod za PIO/MIO, Porezna uprava FBiH; Obrada: FZZPR


## 6. FINANSIJSKO TRŽIŠTE

### 6.1. Profitabilnost banaka

Profitabilnost bankarskog sektora u FBiH, kao i pojedinačnih banaka u sektoru, posmatra se u kontekstu održivosti, odnosno stabilnosti nivoa i kvaliteta zarade i jačanja kapitalne osnove putem zadržane dobiti.

U trećem kvartalu, na nivou bankarskog sektora u FBiH, iskazan je pozitivan finansijski rezultat u iznosu od 180,7 mil. KM, što je za 21,9 mil. KM ili 13,8% više u odnosu na isti kvartal prethodne godine. Sve banke sa sjedištem u FBiH iskazale su pozitivan finansijski rezultat.

Grafikon 23: Neto dobit banaka u FBiH, hilj. KM



Izvor: Agencija za bankarstvo FBiH

### 6.2. Efektivna kamatna stopa


Sa ciljem veće transparentnosti i lakše uporedivosti uslova banaka za odobravanje kredita, te zaštite klijenata kroz uvođenje transparentnog prikaza troškova kredita, a u skladu s međunarodnim standardima, kriterijima i praksama u drugim zemljama, propisana je metodologija za jedinstven način obračuna EKS za sve banke sa sjedištem u FBiH, kao i za organizacione dijelove banaka sa sjedištem u RS-u, a koji posluju u FBiH. Izračun EKS za bankarski sektor zavisi, osim od visine kamatnih stopa pojedinačnih banaka, i od volumena i strukture novoodobrenih kredita.

Ukupna prosječna ponderisana efektivna kamatna stopa (EKS)<sup>12</sup> na novoodobrene kredite sa 30.09.2025. godine u bankarskom sektoru FBiH iznosi 3,76%, što je na istom nivou kao i 30.09.2024. godine. Posmatrano prema sektorskoj strukturi, prosječna ponderisana EKS na ukupne novoodobrene kredite privredi povećana je za 0,07 p.p. (sa 2,73% na 2,80%),

<sup>12</sup> Prilikom analize trenda kamatnih stopa, relevantno je pratiti kretanje prosječne ponderisane EKS, obzirom da uključuje sve troškove koje korisnik plaća.

stanovništvu je smanjena za 0,31 p.p. (sa 6,72% na 6,41%), a ostalim sektorima smanjena za 1,02 p.p. (sa 4,43% na 3,41%).

Grafikon 24: Prosječna ponderisana EKS na novoodobrene kredite u FBiH




Izvor: Agencija za bankarstvo FBiH

### 6.3. Krediti

Ukupni odobreni krediti sa 30.09.2025. godine iznose 20,7 mlrd. KM, što predstavlja povećanje za 1,53 mlrd. KM u odnosu na kraj 2024. godine. Krediti stanovništvu iznose 10,4 mlrd. KM, a pravnim licima 10,3 mlrd. KM, što predstavlja povećanje za 0,87 mlrd. KM i 0,65 mlrd. KM u odnosu na kraj 2024. godine, respektivno.

Posmatrajući prethodne tri godine, bilježi se rast iznosa ukupnih kredita, uz konstantan odnos kredita datih stanovništvu i pravnim licima.

Grafikon 25: Krediti stanovništvu i pravnim licima u FBiH, mlrd. KM



Izvor: Agencija za bankarstvo FBiH


## 6.4. Koncentracija bankarskog tržišta

Nivo koncentracije bankarskog tržišta je pokazatelj stepena konkurentnosti u bankarskom sektoru. CR je pokazatelj koncentracije u bankarskom sektoru i predstavlja ukupno učešće najvećih banaka u sektoru.<sup>13</sup>

Koncentracijska stopa tržišnog učešća pet najvećih banaka (CR5) iznosi 69,9 i blago je niža u odnosu na prethodni kvartal, kada je iznosila 70,3.

Najveći skok u koncentraciji zabilježen je u četvrtom kvartalu 2022. godine, kada je i smanjen broj komercijalnih banaka sa 14 na 13.

Grafikon 26: Koncentracija bankarskog tržišta




Izvor: Agencija za bankarstvo FBiH

Herfindahlov indeks koncentracije kredita u trećem kvartalu 2025. godine iznosi 1.292, što ukazuje na umjerenu koncentraciju.<sup>14</sup> U odnosu na prethodni kvartal, bilježi se blagi pad koncentracije od 8 indeksnih poena. Prethodno je zabilježen blagi trend rasta koncentracije od trećeg kvartala 2024. godine. Najveća koncentracija kredita zabilježena je u prvom kvartalu 2023. godine, kada je iznosila 1.343.

<sup>13</sup> Koncentracijska stopa CR se označava prema broju banaka koje se uključuju u izračun. Što je veća vrijednost koncentracijskog omjera, to je veća koncentracija tržišta.

<sup>14</sup> Za vrijednost indeksa manje od 1000, smatra se da na tržištu nije prisutna koncentracija, za vrijednost između 1000 i 1800 da je prisutna umjerena koncentracija, a za vrijednost iznad 1800 da postoji visoka koncentracija.

Grafikon 27: Herfindahlov indeks (kreditni)



Izvor: Agencija za bankarstvo FBiH